

Newsletter Canada

Chrampferwuche

21. -29. Juni

Da gits nöd viel z verzellä will mir hend d nur chli gsprayet und düngeret und düngeret und gsprayet! :-)

Fun Thursday

30. Juni

S isch s erschte mol sehr heiss, scho fascht zu heiss gsi!
Wege dem warme Wetter hend mir nüt chönne chrampfe.
Darum sind mir zerscht bim Nachbar xsi en Tüüfgrührer go
us em Cheller zieh, das ganze mit emene Raser oder au Site
by Site Quadt gnannt. Chum isch die Arbet fertig gsi sind
die grosse Buebe no go de Raser usgiebig go teste! Natürlich
het au d Camera, für es paar Föteli und Filmli, nöd gfehlt! Da
sind mir umegfahre wie die halb verruckte, mit gradus, abe i
die Slus (chlini Weiher uf em Feld) bis mir zue gmureret xsi
sind vo obe bis unel! Selbst Zäh hend dreck abbecho. Nach
einere Stund Spass hend mir die Sach ufgeh wills de
Keilrieme putzt het!



Happy Birthday Canada

01. -03. Juli

Canada isch sehr es jungs Land! S het Geburtstag gha und isch 144 Jahr alt worde. Am dem Geburtstag z lieb hend mir ganz es langs Weekend gha, Nämlich vo dem Fritig bis am Sunntig.

Da de Dani und de Ueli s Mul es bitzli wiet uftue hend, het de Dani am Fritig müesse go poste go!
Es isch um e Wasserpistolä gange. Am Cam sini Buebe hend GROSSI Wasserpistole gschenkt
übercho. Denn hend de Ueli und de Dani bluffet, wie chli die Pistole sind und mir heget viel die
grössere!! ☺ I dere Zit wo de Dani am postne xsi isch het de Ueli sini Milli am Flughafe in Regina



abholt, sie chunnt uf Bsuech für
öppe 5 Wuche!

Am Samstig hend mir alli
mitenand s Boot parat gmacht für
d Saisoneroöffnig. Gege de Mittag
hend mir s Boot iigwasseret und
sind denn uf de See gange! Mit
emene mega lässige Gummiring
hend mir hinderem Schiff
aghenkt und de Randy het üs zoge.
Das isch vielleicht de Päsche
(Plausch) gsi!!

Newsletter Canada

Aber was wär so e Schiffahrt ohni Zwüscheffäll. Womer am witschte wäg gsi sind vom Auto, hät auf einmal dä Motor gstreikt. Zum Glück hät eus en fründliche Kanadier 16km wiit gschleikt.

Am Sunntig simer mit em gflickte Raser nomal go wühte. S'Resultat isch aber wider sgliche gsi wie am Dunschtig: Matsch vo obe bis une, viel Spass, und nachere Stund wider en kaputte Quad!!!

Am Abig simer dän bim Cam sim Sohn am Geburi iglade gsi. Mir händ als erschts euse Watergunfight ustreit. Wär gunne hät chamer nöd sege, will irgendwänn sind all uf all los. Was aber sicher isch das die über 20jährige, länger freud gha händ am dänand nass mache als Boys.

Chrampferwuche

04. -08. Juli

Nach somene lange Wucheend hämer spraye schochli vermisst. Drum hämer doch nomal richtig Gas gäh mit Sprayer fahre. Jetzt sin all Fälder mindestens eimal gsprützt worde. Versorge mümer aber Sprayer no nöd, mer dünd nämli sicher alles no eimal.

Znachtesse

08. Juli

Geschter hät sMililein und Sabi (sie isch am Dunschtig Abig acho) für all Znacht gmacht. Es hät Salat en super Uflauf und Fluchtsalat gäh.

Ferie!!!

09. - ??? Juli

Mir fahred hüt ab i eusi wohlverdiente Ferie...

Mir gönd zerscht richtig Edmonton, Calgary, Rocky's und dän uf Vancouver.

Mir dünd eus für öbe drüü Wuche abmelde, und werdet eu dän nach euse Ferie wider informiere.

S'Redaktionstelefon dut nuno euse Papagei abnäh...! ☺



Es grüessli vo dä Ferietechniker

Dani&Sabi, Ueli&Milli